

玉海

辭學指南

六十一

玉海卷第一百七十五

浚儀王應麟伯厚甫

宮室

亭

釋名亭停也人所停集

堯亭

王韶之始興記堯山下有平陵陵上有古大堂基十餘處謂曰堯故亭父老相傳堯南巡登此山故亭即其行宮

湯亭

三海子二五

左傳商湯有景亳之命注河南鞏縣西南有湯亭或言亳即偃師續漢志水經注尸鄉故湯所都亦曰

湯亭 風俗通國語有寓望謂今亭也

召亭

詩召南釋文召地名也在岐山之陽扶風雍縣南有召亭召南十篇正義春秋時周公召公別於東都受采存本周召之名晉書地道記云河東郡垣縣有召亭周則未聞今為召州是也 左傳注召采地扶風雍縣東南有召亭 水經注雍水又東逕邵亭南亭故邵公之菜邑也京相璠曰亭在周城南五十里後漢

郡國志郿縣有邵亭

漢泗水亭

後郡國志沛有泗水亭沛國秦注亭有高祖碑班固泗水郡

為文見固集高祖為泗水亭長豐有杉榆亭注案前志注枌

榆社在縣東北十五里戴延之西征記縣西北有漢

祖廟為亭長所處高紀師古注引泗水亭碑班固作碑

銘并十侯銘秦法十里一亭十鄉國語有寓室即今之亭也括地志泗水

亭在徐州沛縣東一百步有高祖廟文選注酈善

長水經注曰泗水南有泗水亭漢高祖廟前有碑延

熹十年立

三海百七五

二

漢萬歲亭

見萬歲宮三齊略記曲城齊城東有萬歲水水北

有萬歲亭李固傳夏門亭長注洛陽北面西頭門

外有萬壽亭

漢千秋亭

見即位壇

漢雒陽亭

見先虞壇漢官典職洛陽二十四街街一亭十二

城門門一亭

漢洛陽都亭又見邸驛類

亭

張綱傳漢安元年選遣八使徇行風俗皆耆儒知名多歷顯位唯綱年少官次最微餘人受命之部而綱獨埋其車輪於洛陽都亭曰豺狼當路安問狐狸

漢洛陽宣德亭

五行志陽嘉二年六月雒陽宣德亭地拆李固對策云云

周禮司市注思次若今市亭也介次市亭之屬別小者也遺人注宿可止宿若今亭有室疏案漢法十里有亭蜡氏注有地之官有部界之吏今時鄉亭是也

晉新亭

王道傳過江人士暇日出新亭飲宴丹陽記新亭

吳舊亭也隆安中丹陽尹司馬恢移創今地京師三

中謝石創征虜亭宋孝武即位于新亭元嘉末四

月壬申改為中興亭陳太建七年閏九月丁未幸

樂游苑采甘露宴羣臣於苑龍舟山立甘露亭

晉蘭亭

書目蘭亭詩一卷晉永和九年上巳右將軍王羲之

會羣賢于會稽山陰之蘭亭一十一人詩各二篇一

十五人詩各一篇羲之為序孫綽為後序水經注

亭

湖口有亭號曰蘭亭亦曰蘭上里

梁北顧亭

見樓類

唐九曲亭 臨渭亭

舊紀景龍三年九月壬戌幸九曲亭宴侍臣學士四年三月甲寅幸臨渭亭脩禊飲

唐含象亭 又見開元十八學士圖

翰林盛事開元中拜張說等十八人為學士於東都上陽宮含象亭圖寫御贊述之 **翰林志**開元中張說等十七人寫真含象亭御製贊

言二 海卷一百五十五 四

唐鴻臚亭

會要天寶三載三月敕兩省五品以下於鴻臚亭祖餞朝集使永泰元年正月宰臣王縉等奏大臣入朝百僚朝罷於中書行相見之禮宴餞準故事集於鴻臚亭從之 **安祿山傳**天寶三載詔三省御史中丞餞鴻臚亭

唐振旅亭

舊紀天寶八載五月辛巳 會要十於開遠門外作振旅亭以待兵迴

唐沉香子亭

亭

李白傳元宗坐沉香子亭使白為樂章
李漢傳敬宗時為左拾遺
張慶初年柏賈獻沉香亭材帝受之
漢諫曰以沉香為亭何異瑤臺瓊室乎
柳公權傳為翰林書詔學士文宗夜召對子亭燭窮而語未盡宮人以蠟液濡紙繼之

唐望春亭

公主傳嘉誠莊懿公主正元元年下嫁德宗幸望春亭臨餞
長安志南北望春亭在禁苑東南高原之上

唐會慶亭

三百州
會要正元三年三月造會慶亭于麟德殿
舊紀云於
朔造十二年十二月度支郎中蘇弁奉敕改造三殿前會慶亭
實錄元和十四年九月戊戌御會慶亭宴田弘正及宰相以下賜物有差

唐曲江亭

會要兼舊紀實錄正元四年九月癸丑重陽節賜百僚宴曲江亭帝賦詩六韻賜之六年二月戊辰朔百官以中和節宴曲江亭上賦詩七韻錫之八年二月庚戌朔宰相宴於曲江亭十四年三月上巳賜羣臣宴曲江亭十七年二月癸巳朔賜羣臣宴曲江亭上賦中

和節賜宴曲江詩六韻賜之三月乙丑賜羣臣宴曲江亭九月戊辰羣臣宴曲江上賦九日賜宴曲江亭詩六韻賜之元和二年三月辛卯賜羣臣宴曲江亭長慶二年九月戊申宴百僚曲江亭大和八年三月甲寅上巳賜羣臣宴曲江亭開成三年十月慶成節賜百官宴曲江亭

唐太液亭

寶錄大和四年七月文宗於太液亭召翰林學士鄭覃已下對賜錦綵又見尚書圖崔鉉傳為淮南節度使帝餞太液亭賜詩龍之大中九元稹詩網索

三百廿二

三百廿五

六

西臨太液池注網索在太液上學士候對於此

唐彩霞亭

見紫雲樓

祥符靈液亭 延慶亭 宣澤亭

祥符元年六月庚寅朔泰山建醴泉亭名曰靈液十月壬子幸十二月庚子丁謂為碑二年八月庚戌泰山再出醴泉建亭曰瑞濟三年十月庚戌名寶鼎縣行宮後亭曰延慶四年二月戊午召近臣登之南望仙掌北瞰龍門二十六日丙戌次華州頃賜醴宴于行宮南垣之望仙亭賜亭名曰宣澤

祥符瑞雲亭又見祥瑞類

元年六月乙未天書再降于泰山之靈液亭十月巳酉五色雲起嶽頂上與近臣登後亭望之名亭曰瑞雲

祥符翠芳亭

九年二月二十七日詔近臣觀書後苑移幸流杯殿登象瀛山翠芳亭天禧四年十月二十九日玉宸殿翠芳亭觀稻賜燕景祐中橙實命近臣觀皇祐三年九月辛未講讀以翠芳亭橙實賜講筵官各一枚又有瑤津亭華景亭皆在後苑

三
海百七
七
之

淳熙羣玉亭

祕省有芝香亭淳熙四年二月更名羣玉中書舍人范成大書嘉定元年三月少監汪遠改建易名曰堂國史志西京內園有長春殿淑景亭

歷代亭名

後漢

萬壽

後魏

五石代

隋

亭

飛花 散菊 迎風 落花 回廊 圓珠
方玉 積翠 飛香 回流 芝田 蘭皋
露華 長塘 芳洲 翠阜 芳林 飛華
留春 激秋 洛浦 翠葩 逍遙 翠微
閨風 彩霞 臨月 飛芳 合璧 含暉
凝碧 紫巖 澄景 尚陽

唐

會慶 放鴨 彩霞 沉香 坡頭 柳園
蠶壇 真興 神臯 七架 青門 桃園
臨渭 永泰 南北 昌國 琉璃 曜掌

六朝 九洲 芳樹 金谷

征虜 勞勞 觀稼 閨風 甘露 醴泉
臨芳 清露 臨淵 景風

齋

燕居之室曰齋

晉讀書齋

王孚安成記太和中陳郡殷府君引水入城穿池殷仲堪又於池北立小屋讀書百姓呼曰讀書齋

梁高齋

襄沔記金城內刺史院有高齋梁昭明太子於此齋造文選簡文為堂鎮襄陽日引劉孝威等於此齋綜覈詩集凡十人資給豐厚時號高齋學士南史庾肩吾傳在雍州劉孝威等十人抄撰衆籍豐其果饌號為高齋學士

紹興損齋

見前

淳熙善樂齋

八年皇孫英國公自以善樂名齋親書扁

歷代齋名

隋

文猷 文徽 珠露 流風 回雪 含涼

唐

山齋

六朝

高齋 梁

宅

說文宅所託居之義釋名宅擇也棟擇吉處而營

之

堯表門閭

六韜文韜盈虛篇帝堯王天下民有孝慈者愛敬之
盡力農桑者慰勉之旌別淑德表其門閭書畢命
旌別淑慝表厥宅里彰善癉惡植之風聲呂氏春
秋魏文侯過段干木之間而軼之

舜宅

戴延之西征記蒲坂城外有舜宅宋永初山川記
蒲坂城中有舜廟城外有舜宅及二妃壇

夫子宅

水經注夫子故宅大一頃所居之堂後世以為廟漢
高祖十三年過魯以太牢祀孔子廟屋三間夫子牀
前有石硯一枚甚朴云平生時物魯人藏孔子所乘
車於廟中是顏路所請者也魏黃初二年令郡國修
起孔子舊廟置百戶吏卒廟有夫子像列二弟子執
卷立侍漢魏以來廟列七碑二碑無字

齊晏子宅

晏子春秋景公使更晏子之宅曰子之宅近市湫
溢蹶塵不居請更宅曰臣之先臣居此宅焉臣不
足以伐之初更於豫章之圃
括地志晏子故宅後

人名曰清節里。

齊威宣養士稷門之下自淳于髡以下七十餘人高者為列大夫為開第康莊之衢高門大屋尊寵之。

漢高祖宅

述征記豐水西九十里

有漢高祖宅

帝家在豐中陽里為沛泗上亭長及為天子立沛廟祠豐故宅。

漢北第 東第 甲第

高紀五年五月詔曰法以有功劳行田宅云云十二年三月詔為列侯食邑者賜大第室吏二千石受小

三注

十一

齊

第室注孟康曰有甲乙次第故曰第。列傳夏侯嬰

惠帝德之賜北第第一注迹北闕之第西京賦北闕甲第當道直

啓。司馬相如檄位為通侯居列東第注師古曰東

第甲宅也居帝城之東故曰東第。霍去病武帝為

治第令視之。蘇武始元六年賜宅一區。韋賢地

節三年以老病乞骸骨賜金百斤加賜第一區元成

詩曰既耆致位惟懿惟奐厥賜祁祁百金泊館。胡

建射甲舍門注師古曰甲舍即甲第公主之宅。霍

光宣帝賜甲第一區。張敖賜甲第。藥大賜列侯

甲第。景況建武五年賜甲第。郭伋為太中大夫

宅

建武二十二年賜宅一區及帷帳鮑永賜洛陽商

里宅辭不受洛陽記上商里在洛劉昆賜洛陽第

舍第五倫元和二年賜宅一區魏文為張遼起

第舍晉賜王祥鄭冲賀循第一區

漢尚冠里舍

宣紀時會朝請舍長安尚冠里元平元年秋七月遣

宗正德至曾孫尚冠里舍洗沐賜御府衣太僕以輅

獵車奉迎曾孫就齋宗正府注師古曰尚冠長安中

里名黃圖長安閭里百六十有宣明建陽昌陰尚

冠修成黃棘北煥南平大昌戚里

漢幸孔子宅 唐幸孔子宅

顯宗紀永平十五年三月幸孔子宅祠仲尼及七十

二弟子親御講堂命皇太子諸生說經注孔子宅在

兖州曲阜縣闕里中背洙面泗矍相圃之東北也初魯

恭王壞孔子舊宅以廣宮室聞金石經傳唐元宗紀

開元十三年十一月丙申通監庚申幸孔子宅遣使

以太牢祭其墓給復近墓五戶詔曰思闕里之括

地志孔子舊宅在兖州曲阜西南三里有闕里中有

宅宅中有廟

漢南陽舊宅 祠舊宅

宅

紀光武建武三年冬十月壬申幸春陵祠園廟因置

酒舊宅大會故人父老東觀記光武征十七年十月

甲申幸章陵建武中更名章陵修園廟祠舊宅觀田廬置

酒作樂賞賜宗室諸母因酣悅相與語曰文叔少時

謙信與人不款曲惟直柔耳今乃能如此帝聞之大

笑曰吾理天下亦欲以柔道行之乃悉為春陵宮室

起祠堂注光武舊宅在今隨州棗陽縣東南宅二里

有白水焉即張衡所謂龍飛白水也荆州記義陽安

水伯明帝永平三年冬十月甲子從皇太后幸章陵

觀舊廬陰統永平三年冬帝從太后幸章陵置十

卷百五十五 十一

年閏四月南巡狩幸南陽日北至又祠舊宅禮畢饗

校官弟子作雅樂奏鹿鳴帝自御埴箎和之以娛嘉

賓章帝元和元年九月辛丑幸章陵祠舊宅八年

八月南巡狩祠舊宅園廟見宗室故人和帝永元

十五年十月戊申幸章陵祠舊宅會宗室于舊廬勞

賜作樂威帝延熹七年十月庚申幸章陵祠舊宅

遂有事于園廟南都賦曜朱光於白水會九世之

飛榮察茲都之神偉啓天心而寤靈園廬舊宅隆宗

崔嵬御房穆以華麗連閣煥其相徽聖皇之所逍遙

靈祇之所保綏章陵鬱以青蔥神廟肅以微微頌曰

宅

皇祖止焉光武起焉據彼河洛統四海焉本枝百代
位天子焉永代克孝懷桑梓焉真人南巡觀舊里焉
南都在南陽光武舊里以置都焉咸
帝時議欲廢之故張衡作是賦以諷

漢精舍

列傳包咸於東海立精舍講授 劉淑立精舍講授
諸生常數百人 檀敷立精舍教授數百人 李充
立精舍講授

漢諸葛亮宅

文選出師表三顧臣於草廬之中注漢晉春秋曰亮
家于南陽之鄧縣荊州圖副曰鄧城舊縣西南一里

三五五十八

三山卷百一十五

十四

隔沔有諸葛亮宅是漢昭烈三顧處 水經沔水東

逕隆中注歷孔明舊宅北劉季和鎮襄陽命季安作
宅銘云天子命我于沔之陽聽鼓鞞而永思庶先哲
之遺光後六十餘年永平五年習鑿齒又為宅銘

荊州記襄陽西北十許里名為隆中有孔明宅

郡國志長沙南寺賈誼宅 國史志果州相如縣有

司馬相如故宅 成都記成都縣百步有揚雄宅今

草玄亭餘迹尚存 抱朴子葛盧佐光武有大功受

爵立宅舍於博望里 魏志衛臻遜位賜宅一區

荀彧家傳既定冀州為公起大第於鄴 魏奏事爵

宅

雖列侯食邑不滿萬戶不得作第其舍在里中皆不稱宅

唐賜甲第

列傳河間王孝恭平公柘賜甲第一區謂人曰所居頗壯麗非吾心也 裴寂高祖賜田千頃甲第一區 魏證太宗輟小殿之材為建第 馬周求勝地為創第市宅詔有司給直 狄仁傑武后賜第一區 杜暹開元十四年賜甲第一區廢馬一匹 姚崇元宗欲自近詔徙寓四方館 郭子儀宅居親仁里四分之一中通永巷賜良田美器名園甲館 李泌代

三〇四

三五〇二五

十五

未修

宗賜光福里第 孔述睿為諫議德宗賜第宅 李

晟殄大盜詔賜第永崇里涇陽上田延平門之林園晟入第京北供帳教坊鼓吹迎導詔將相送之 渾

瑊賜大寧里甲第將相送歸第 張茂昭正元二十

年十月賜甲第 李光顏賜開化里第 孔緯賜善

和里第 符璘賜靖恭里第一區藍田田四十頃

郭鏌尚德陽郡主詔為主營第長興里

房元齡傳帝幸芙蓉園觀風俗元齡敕子弟汛掃廷

唐曰乘輿且臨幸果幸其第因載還宮 崔鄴傳居

光德里建便齋宣宗題曰德星堂

唐祠舊宅

高宗紀顯慶五年二月甲午祠舊宅麟德元年八月

己卯幸舊第

一本云丁丑幸舊第宴羣臣

舊紀高宗龍朔元年

天宮寺是高祖潛龍時舊宅九月甲辰上周歷殿宇

感愴久之睿宗景雲二年八月七月乙卯詔以興聖

寺是高祖舊宅有枯柿復生赦天下地理志京北

府高陵西四十里有龍躍宮本高祖舊宅高祖置為

宮武功南十八里臨渭水有慶善宮武德元年高祖

以舊第置宮會要太宗正觀六年蘇世長奏曰臣

昔在武功見陛下宅宇纒蔽風雨初學記太宗嘗

過舊宅賦詩曰新豐停翠輦誰是駐鳴笳一朝辭此

去四海遂成家

唐隱士宅

田游巖傳高宗營奉天宮游巖舊宅直宮左詔不

聽毀天子自書榜其門曰隱士田游巖宅通監永

隆元年二月戊午幸嵩山處士田游巖所居

太宗正觀十一年幸洛陽高年甄權宅權年一百三

歲拜朝散大夫賜几杖

唐五王子宅 十王宅

寧王憲傳初睿宗五子列第東都積善坊號五王子

宅及賜第上都隆慶坊亦號五王子宅先天後盡以

隆慶舊邸為興慶宮開元後皇子幼多居禁中既長

詔附苑城為大宮分院而處號十王宅在安國寺東所謂

慶忠棟鄂榮光儀穎永壽延盛濟等以十舉全數也

十三年三月甲午封十三王會要十王謂慶忠棟鄂榮光儀穎永濟後盛壽陳常涼六王又就封

入內宅是為十六宅杜棕傳宣宗世夔王以下五王處大明

宮內院而鄆王居十六宅舊史先天後興慶是龍

潛舊邸因以為宮寧申岐薛王賜宅邸第相望環於

宮側諸王每日於側門朝見通監上即位附苑城

為十王宅以居皇子官官押之就夾城參起居自是

不復出閣雖開府置官屬及領蕃鎮惟侍讀時入授

書官屬但歲時通名起居宣宗大中二年上欲作五

王院於大明宮以處皇子之幼者會要諸王府在

宣平坊東南寶曆三年六月賜延康坊宅俾諸府合

而共局庶寮會而異處世祖推恩長安列六子之

舍明皇廣愛華清建百孫之居

張垺尚主即禁中置內宅岐陽公主下嫁杜棕開

第昌化里

建隆潛龍宅

建隆元年二月宋州以歸德雨旌節來詔置於潛龍

宅

建隆賜宅

建隆二年三月乙巳賜樞副趙普宅一區開寶中詔有司建第將以賜郭進悉用旣瓦興國三年正月宅成賜之建隆二年慕容延釗石守信賜宅開寶三年王審琦賜甲第留京師興國四年正月癸巳賜簽樞石熙載宅一區五年三月庚辰賜文明殿學士程羽浚儀縣泰寧坊宅一區八年十二月庚戌賜參政呂蒙正麗景門字簽樞張齊賢宜秋門宅咸平五年九月種放至乙卯賜昭慶坊第一區加帷帳什物銀器五百兩錢三十萬中謝日賜食學士院祥符元年十二月賜樞使陳堯叟宅五年閏十月賜王欽若安遠坊宅皇祐五年二月賜狄青崇教坊宅治平四年九月賜韓琦宅紹興十五年賜秦檜第命駕親臨二十一年張俊太師制曰比敕乘輿往臨居第因觀風而幸事擬元齡思避講之談禮加朱祐溥熙中少傅侍讀史浩賜第

開寶禮賢宅

開寶九年三月丁巳詔於朱雀門外馳道之左建大第甲於輦下既成名曰禮賢宅以待錢俶已未俶入

宅

朝即令居焉乾元九月二十日肆三日又興國五年四月丙子賜之祥符八年四月錢惟演上表納所居宅以誨王五月癸巳賜惟演第于昭化坊逆予有刑視彼揚州順予有封視此錢侯

祥符二年十二月癸卯令江州修唐白居易舊第以廬山有居易書堂江州有舊宅畫像猶存故命葺之

景祐睦親宅 慶曆廣親宅 元祐親賢宅 元符懿親宅 宣和蕃衍宅

見宗戚類 元符二年四月八日宗寧元年三月十七日

幸懿親宅宣和元年三月十七日幸蕃衍宅

十九

祥符八年七月庚戌諸王各賜第于外分置諸宮都監之職

熙寧賜芳林園宅

四年九月二日詔賜濮王子通州防禦使宗隱芳林園宅一區六年十月二十五日賜彰武留後承選芳林園宅

紹興睦親宅

三年十二月甲辰詔南班宗室新第仍以睦親宅為名

魯語車服表之章也。宅章之次也。注有章服者之次

舍。韓詩外傳諸侯有德錫朱戶。文選注諸侯朱

戶故曰朱邸。

狼望未平。冠軍辭宅馬池猶隔。雍丘遜邸。晏嬰湫

溢。齊景營其爽塏。孫歷無家。晉武為之築館。齊招

賢士。宅於康莊之衢。漢寵列侯。賜之甲乙之第。漢

錫五倫。魏寵衛臻。梁元帝謝賜第宅。稽以尺籍。令以鼙鼓。

斲者如風。築者如雨。茨者雲舒。幔者波卷。餼廩稱事。

忘勞競勸。方湖匯澤。章簞滂集。我材孔良。我工

惟時。般倕獲人。獻巧林立。繫百圍而置楹。度千

仞以架棟。

宮室制度

易曰：上古穴居而野處，後世聖人易之以宮室。上

棟下宇，以待風雨。

舜巖廊

見門類。廊一作郎。

周夏屋

士冠禮：設洗，直于東榮。注：榮，屋翼也。周制自卿大夫

以下，其室為夏屋，疏其室兩下而四周之。鄭注：檀弓

曰夏屋今之門廡也兩下為之亦舉漢制况之也

燕禮設洗當東雷注人君為殿屋也 案考工記人

注四阿若今之四注屋疏云四殷人始為四注屋則

夏后氏之屋南北兩下而已周制天子諸侯得為殿

屋四注卿大夫以下但為夏屋兩下四注則南北東

西皆有雷兩下則唯南北有雷而東西有榮是以燕

禮言東雷而大夫士禮則言東榮也雷說文曰屋水

之兩頭起者為榮月令疏古者窟居開其上取明

也兩因雷之後人尸室為中雷則曠者象中雷之取明

漢西清

四十

詩夏屋渠渠注夏大也

北

系

上林賦青龍蚺蟺於東箱象輿婉憚於西清靈園燕

於閒館倕佺之倫暴於南榮注師古曰西清者西箱

清靜之處郭璞曰榮屋南檐也 甘泉賦覽穆流於

高光兮溶方皇於西清注服虔曰高光宮名師古曰

西清西箱清閑之處 周昌傳呂后側耳於箱聽注

師古曰正寢之東西室皆曰箱言似箱篋之形 晁

錯傳趨避東箱 虞詡傳張防趨就東箱注埤蒼云

箱序也 東京賦下彫摯於東廂注爾雅東西廂謂

之序 魚曰靈光殿賦西廂注西序也 觀禮注東箱

東夾之前相翔待事之處

漢銅池 璇題 璧璫 藻井

宣紀神爵元年詔金芝九莖產于函德殿銅池中注如淳曰銅池承雷也師古曰以銅為之

甘泉賦珍

館閒館璇題玉英蝓蛸蟻漢之中注應劭曰題頭也

上林賦華榱

榱椽之頭皆以玉飾言其英華相燭

璧璫輦道纒屬注師古曰榱椽也華謂彫畫之璧璫

以玉為椽頭之當即所謂璇題玉題一曰以玉飾瓦

之當西都賦雕玉瑱以居楹裁金璧以飾璫注彫

刻玉瑱以居楹柱瑱與瑱通城韋昭曰裁金為璧

以當椽頭西京賦蒂倒茄於藻井披紅葩之狎獵

飾華榱與璧璫流景曜之韡曄彫楹玉碣繡栢雲楣

三階重軒鏤檻文楹注藻井當棟中交木方為之如

井幹也藻水草之有文者風俗通曰今殿作天井井

東井之象菱水中之物皆所以厭火礪礪也栢斗也

王褒甘泉頌曰采雲氣以為楣魯靈光殿賦齊玉

璫與璧英芝栢攢羅注山節方小木為圓淵方井反

植荷藻雲淙藻栢龍栢雕鏤楹畫為藻文景福殿

賦列髹彤之繡栢垂琬琰之文璫爰有禁楸勒分翼

張承以陽馬接以負方繚以藻井編以紕疏繁飾索

巧不可勝書金楹齊列玉鳥承跋青瑣銀鋪是為閨

闥注：楹附陽馬之短栴也。陽馬，四阿長栴也。馬融梁將軍西第賦曰：騰極受檐，陽馬承阿。青瑣銀鋪為闥，闥之飾鋪以銀為鋪首也。長門賦曰：擠玉戶而撼金鋪。蜀都賦：金鋪交映，玉題相暉。張景陽七命：陰蚪負檐，陽馬承阿。楚辭曰：仰觀方疏，含秀圓井，吐葩曹子建七啓：彤軒紫柱，文榱華梁，綺井含葩，金墀玉箱。甘泉賦：抗浮宋志：殿屋為負，淵方井兼植荷華。

漢殿檻

朱雲傳：攀殿檻，檻折及後，當治殿檻。上曰：勿易，因而

輯之以旌直臣。西京賦：三階重軒，鏤檻文栴。注：檻

蘭也，皆刻畫。又以大板廣四五尺，加漆澤焉，重置中間。蘭上名曰軒，甘泉頌曰：編瓊瑁之文栴。上林賦

步櫺周流。注：今步廊也。宛虹拖於楹軒。

漢丹墀

梅福傳：願壹登文石之陛，涉赤墀之塗。當戶牖之法，坐注應劭曰：赤墀，以丹淹泥塗殿上。師古曰：戶牖之間，謂之宸。法坐，正坐也。聽朝之處，猶言法宮法駕也。

西京賦：右平左城，青瑣丹墀。注：城限也。謂階齒也。天子殿高九尺，階九齒，各有九級。其側階各中分左

右左有齒右則滂沲平之令輦車得上漢官典職曰
丹漆地故稱丹墀又曰金墀西都賦左城右

平重軒三階注七略曰王者宮中必左城而右平摯
虞決疑要注曰凡太極乃有陛堂則有階無陛平者

以文博相亞次也城者為陛級也又曰昭陽法盛
材牆不露形元屏班婕妤賦俯視丹

墀思君兮履其綦注丹墀赤地也班婕妤賦七啓金墀玉廂注

劉梁七舉曰丹墀縹壁紫柱工梁漢武故事上起
神屋鑄銅為柱黃金塗之赤玉為階唐有龍墀

士冠禮作階注作酢也東階所以答酢賓客也每階
有東西兩廉聘禮漢鼎設于匠人云天子之堂九

尺賈馬以為階九等賈誼曰考工考工

后氏世室九階注南面三階餘三面各二考工

家皆以為九等階鄭不從者夏卑宮室當一考工

為九等階於義不可故為旁九階也明堂位中階作

階西階故知南面三階也大射禮云北階記云俱階
東階此四面有階明堂位三公中階之前諸侯之
位作階之東諸伯之國西階之西正義南面三階故
稱中作階近王位也書舞干羽于兩階注賓主階
間也史記堯舜土階三等

漢淳思

明堂位魯大廟之飾山節謂構廬刻藻枅謂侏儒柱

復廟上下重檐重承辟刮楹以密石達鄉每室四

通反楹間近南人君爵飲酒既獻反爵於上出尊

導在兩楹間崇在尊南崇高受音抗舉疏

屏謂之植今淳思也刻之為雲氣蟲獸如以獨上

之矣正義疏刻也漢時謂屏為浮思天子外下

注云城隅謂角浮思也漢時東闕浮思災浮思

也城隅闕上皆有之然則屏上亦為屋以覆屏非

解屏則闕也古詩云雙闕百餘尺則闕於兩旁不行

當道與屏別也文紀七年六月癸酉未央宮東闕

罍罍災注師古曰罍罍有連罍罍也以覆重巨

墉之處其形罍罍然一曰屏也門亦有

哀紀元壽元年九月孝元廟殿門錮龜蛇鋪

師古曰門之鋪首所以銜環楚辭網戶朱綴

連東方朔有殿上柏柱賦說文扁從戶冊

春秋作者三作丘甲作三軍作僖公主新作亦三新

作南門新延殿新作雉門及兩觀左傳清廟茅屋

飾以茅昭其儉也周書括柱茅茨為民愛費董生

宮室制度

書曰禮天子之宮在清廟左涼室右明堂後路寢四
室者足以避寒暑而不高大也 仲長統昌言曰今
為宮室者崇臺數十層長階十百仞延袤臨浮雲上
樹九丈旗珠玉翡翠以為飾連帷為城結帳為宮起
臺榭則高數百丈壁帶珠玉土被緹錦

藝文

楚辭曰像設居室靜閑安高堂邃宇檻層

榭臨高山網戶朱緹刻方連冬有突夏夏宇

主

入奧朱塵筵

朱塵筵席也 堂翠翹挂曲瓊

幃張翠帷翠幃飾高堂紅壁沙板元玉梁仰觀

畫龍蛇坐堂伏檻臨曲池芙蓉始發雜芰荷紫莖屏

言七二

上海卷

廿六

風文綠波

玉海卷

一百七十五

[Faint bleed-through text from the reverse side of the page]



沒儀王應麟伯厚甫

食貨

田制

古者井田之興必始於唐虞夏商葺治至周大

因口之衆寡以授田因田之厚薄以制賦畫溝

謹步畝嚴版圖經界既定仁政自成其法

時已壞晉作爰田則以田易其疆時

稅畝則履其餘畝則二

足重田辰民矣洫而四族皆

使田云封洫而以伍田畫則溝洫廢矣晉

齊封內盡東其畝而戈車則疆理廢矣

作內政楚為掩書土田亦頗改周典之舊

兵農浸分孟子言王道之始魏惠王以為

公問井地卒莫之行自秦孝公隨經界開阡陌

兼并僭踰興矣漢承秦舊董仲舒請限民名田

丹建言限名田言未嘗行也趙過教民為代田

耕田之法非受田之制下及漢唐風流已遠然其

授田有口分世業皆取之於官其斂民財有租庸

調皆計之於口其後變為兩稅戶無主客以見居

為簿人無丁中。以貧富為差。貧急於售田。則田多稅少。富利於避役。則田少稅多。僥倖一興。稅役皆弊。既無振貧之術。又許之賣田。後魏以來弊法也。唐志謂口分世業之田。壞而為兼并。似指以至田失之遠矣。

黃帝丘井法

李靖問對黃帝立丘井之法。因以制兵。故井八家處之。其形井字。開方九焉。通典黃帝紀井立步制。畝使八家為井。井開四道而分八宅。於中。詳見一印國類

堯墾田

通典堯遭洪水。天下分絕。使平水土。別九州。厥田惟中中。兗州厥田惟中下。青州厥田惟上。州厥田惟上中。揚州厥田惟下下。荊州厥田。豫州厥田惟中上。梁州厥田惟下上。雍州厥田惟上上。九州之地。定墾者九百一十萬八千二十頃。禹貢咸則三壤。成賦中邦。注田上中下三品。成九州之賦。王制正義禹貢注曰。一井上上出九夫稅。上中八夫。上下七。中上六。中中五。中下四。下上三。下中二。下下出一夫稅。有九等。故以井田計之。以一州當一

井與周禮九等又不同與上上出九百萬夫之稅究
下下出一百萬夫之稅鄭玄謂地形高下為九等王
肅云定肥瘠為九等

禹丘甸法 九州賦法

詩信彼南山維禹甸之甸訓曰乘之疏曰韓詩曰

治而丘甸之六十四井為甸甸方八里居一成之

成方十里出兵車一乘以為賦法周語先王

制千內為甸之正義韓奕箋云禹甸之者決除其災

平田定貢賦於天子是以治為義也地官小司徒

丘為甸指人掌令丘乘之政令郊特牲云丘乘共

盛丘十六井甸六十四井邑方二里丘方四里甸

八里匠人注云方十里為成成中容一甸甸方八

出田稅緣邊一里治洫論語注引司馬法云井

通通十為成成出革車一乘若然一乘為七

而左傳說夏少康有田一成有衆一旅十里有五百

人者計成方十里其地有九百夫之田授田有不易

一易再易通率二而當一有四百五十人其中土地

差多則容五百人也其出兵夫則衆不盡行故一車

士卒唯七十五人少康盡舉大衆故與出賦異也孫

毓云禹除洪水之災未及丘甸其田也且井邑一丘甸

出於周法。虞夏之制未有聞焉。今以周法為虞夏之說，非其義也。然禮運說大道既隱而曰以立田里，則三王之初有井田田里之法。論語說禹盡力乎溝洫，與匠人井間有洫同也。臯陶謨畎澮距川與匠人同，間有澮專達於川同也。是則丘甸之法，禹之所為少康之在虞思云云，於是則十里為成，非周之賦法也。

襄四年傳曰：茫茫禹跡，畫為九州。九州尚畫其界，

田之經界，須畫之也。詩倬彼甫田，歲取十千。夏之田之法，則一成之數也。王

司馬法

甫田正義更傳說助貢之法，唯孟子為助

食貨志云：九夫八家共之，各受私田百畝，公田十畝。

三十一

是為八百八十畝，餘二十畝為廬舍。其言取孟子而

失其本旨。何休注公羊，范甯解穀，梁趙歧注孟子，宋

均說樂緯，咸以為然。理不可通，何則？言其中為公，

則中央百畝共為公田，不得家取十畝也。言八家

私百畝，則百畝屬公，何得復以二十畝為廬舍也。言

同養公田，是八家共理公事，何得家分十畝自治之

也。禹貢注：上上出九夫稅，下下出一夫稅，通率九州

一井稅五夫，以禹貢九州之賦法，凡有九等。鄭欲品

其多少，遂以九井擬之，非其實稅之也。禹貢正義

鄭玄云：服治田出穀稅也。甸，主治田故名甸。下云納

總銓結粟米

殷公田

王制古者公田藉而不稅注藉借也借民力治公田
美惡取於此不稅民之所自治孟子曰云云則所云
古者謂殷時正義劉氏皇氏曰夏時民多家得五十
畝而貢殷時民稍稀家得七十畝而助周時民至稀
家得百畝而徹熊氏說夏政寬簡一夫之稅惟稅五
十畝殷政稍急稅七十畝周政極煩皆通稅
殷人七十而助惟助為有公田注惟殷人之助為有
公田朱氏注夏時一夫受田五十畝而每夫計其五

三十七

海百七十六

畝之入以為貢商人始為井田之制以六百三十畝
之地畫為九區區七十畝中為公田其外八家各授
一區但借其力以助耕公田而不復稅其私田周時
一夫授田百畝鄉遂用貢法十夫有溝都鄙用助法
八家同井耕則通力而作收則計畝而分故謂之徹
貢法固以十分之一為常數惟助法乃是九一而商
制不可考周制公田百畝中以二十畝為廬舍一夫
所耕公田實十畝通私田百畝為十一分而取其一
蓋又輕於十一矣竊料商制亦當似此而以十四畝
為廬舍一夫實耕公田七畝是亦不過什一也

小正初服于公田注先服公田而後服其田也公
羊宣十五年古者什一而籍什一者天下之中正也
多乎什一大桀小桀寡乎什一大貉小貉什一行而
頌聲作矣

周井田 井牧 文王平土法

禮小司徒經土地而井牧其田野九夫為井四井為
邑四邑為丘四丘為甸四甸為縣四縣為都以任地
事而今貢賦注昔夏少康有田一成有衆一旅一旅
之衆而田一成則井牧之法先古然矣疏鄭司農云
井牧者春秋傳所謂井衍沃牧隰臯玄謂隰臯之地

玉海百七十六

九夫為牧二牧而當一井今造都鄙授民田有不易
一易再易通率二而當一。是謂井牧此制小司徒經
之匠人為之溝洫相包乃成方百里為一同積萬井
九萬夫其四千九十六井三萬六千八百六十四夫
出田稅二千三百四井二萬七百三十六夫治洫三
千六百井三萬二千四百夫治澮井田之法備於一
同今止於都者采地食者皆四之一其制三等百里
之國凡四都五十里之國凡四縣二十里之國凡四
甸一都一縣一甸之田稅入於王劉敞曰受田之制
自井而差之以至于都匠人自井而差之以至于同
遂人自一夫差之以至于千萬夫溝洫自遂差之以至于

千之其餘自徑

大司馬

見兵制

易氏曰遂人總九

千二百一十六夫之成數故曰萬夫詩人總三十二里之成數故曰終三十里然未必盡如界畫某局一為開方

之法蓋有井牧焉井則上地中地下地之殊牧則不易一易再易之辨計以中數大率以三夫受六夫之地

詩縣

大五 廼疆廼理廼宣廼畝注疆理其經界所耕其田畝

孟子文王治岐耕者九一注使岐民修井田八家耕八百畝其百畝以為公田及廬井故曰九一

其西制

通典周文王在岐用平土之法以為治人之道地著為本故建司馬法六尺為步步百為畝畝百為夫

明

三海百七

三

三

夫三為屋屋三為井井十為通通十為成成十為終終十為同同方百里同十為封封十為畿畿方千里民受田上田夫百畝中田夫二百畝下田夫三百畝歲耕種者為不易上田休一歲者為一易中田休二歲者為再易下田三歲更耕之自爰其處農民戶人已受田其家衆男為餘夫亦以口受田如此士工商家受田五口乃當農夫一人此謂平土可以為法者也若山林藪澤原陵溇鹵之地各以肥磽多少為差民年二十受田六十歸田七十以上上所養也十歲以下上所長也十一以上上所強也亦見漢志

田制

王

制正義案大司徒不易之地家百晦一易之地家二
百晦再易之地家三百晦地唯有三等者大司徒言

其大綱其實不易一易再易各為三等則九等也徒司

注云自二人至十人先為九等易氏以為此造都案

異義左氏說賈逵注山林之地九夫為度九度而當

一井藪澤之地九夫為鳩八鳩而當一井京陵九夫

為辨七辨而當一井淳鹵九夫為表六表而當一井

疆潦九夫為數五數而當一井偃豬九夫為規四規

而當一井原防九夫為町三町而當一井隰臯之地

九夫為牧二牧而當一井衍沃之地九夫為井賦法

積四十五井除山川坑岸三十六井定出賦者九井

則千里之畿地方百萬井除山川坑岸三十六萬井

定出賦者六十四萬井長穀萬乘與義所云通山林

藪澤九等言之鄭注小司徒據衍沃平地言之所以

不同異義九等據國中山林至衍沃周禮九等據授

民地肥瘠禹貢九州有上中下九等與周禮又不同

注云農夫皆受田於公肥瘠有五等收地唯五等自

曰案周禮地有九等從十人至五人此地唯五等自

田此準庶人在官之祿最下者猶五人左氏傳襄

二十五年楚蔣掩為司馬子木使死賦數甲兵蔣掩

書土田度山林鳩藪澤辨京陵表淳鹵數疆潦規偃

豬町原防牧隰臯井衍沃下平日沃衍量入脩賦賦車籍馬賦車兵徒卒甲楯之數注書上地之所宜淳鹵埆薄之地表異輕其賦稅疆界有流潦者計數減其租入隄防間地不得方正如井田別為小頃町隰臯水涯下濕為芻牧之地衍沃平美之地則如周禮制以為井田六尺為步步百為畝畝百為夫九夫為井量九土之所入而治賦稅正義自度山林以下有九等賈達以為賦稅差品其注云云衍沃之地畝百為夫九夫為井周禮小司徒鄭玄云云是鄭賈同此說也案周禮授民田不過再易唯有三當一耳不得有

四十二

玉海百七十六

九當一也度鳩之等皆為九夫之名經傳未有此目故杜不用其說九土之內偃豬京陵無物可入而言九土之所入者總言之

周鄉遂田制又見兵制

禮地官司徒鄉師鄉老鄉大夫州長黨正族師閭胥

比長鄉之屬別自五百家之比積遂人遂師遂大夫縣正

鄙師鄙長里宰鄰長遂之屬別自五百家之鄰積注百里

內為六鄉外為六遂遂人主六遂猶司徒主六鄉

遂人掌邦之野以土地之圖經田野造縣鄙形體之

法制分界也五家為鄰五鄰為里四里為鄴五鄴為鄙五

鄙為縣五縣為遂皆有地域溝樹之使各掌其政令

刑禁以歲時稽人民授之田野簡兵器教稼穡注鄭

鄘縣遂猶郊內比國中族黨州鄉也鄭司農云田野之

徒居其比任之鄉正義曰小司徒遂之制內上地有萊五十畝

彼鄉中唯見出軍無田制此遂鄉之制與遂同但

法故鄭注至見其義無田論之仍有人唯見其制無

上地無萊六遂下劑致也六鄉凡治野以下劑致也

雖受上中下田及其會一人以正率謂可任者家二

遂之自外並為餘夫家取一人者為田里安田注

之宅五畝以土宜教注稼穡以興勸利注時器勸注疆

予任注田注謂民有餘夫注然以土均平政注其均平辨其

野之土上地中地下地以頒田里上地夫一廛田百畝

萊五十畝餘夫亦如之中地夫一廛田百畝萊百畝餘夫

亦如之下地夫一廛田百畝萊二百畝餘夫亦如之注

者廛城邑之居此乃廛里任國中地一也詩云

法王孫曰頌田里所以分民父凡治野夫間有遂云

云注溝澮廣深同故約匠人井異制亦與井田遂師經

牧其田野辨其可食者周知其數而任之注經牧制

田界與井也注疏六遂制溝洫法又為井田法者遂人

兼掌采地以采地有井田法故云經牧與小司徒文

同故鄭亦兼言井也云可食謂今年所當耕者也

縣師辨夫家人民田萊之數注郊內謂之易郊外謂
之萊小司徒攷夫屋注夫三為屋屋三為井出地
貢者三三相任疏溝洫雖為貢出貢之時亦三三相
保任以出穀稅似井田之法亦八家耨一夫稅入於
公案遂人夫間有遂之等是溝洫法鄉之田制與
遂同此與匠人為井田法其制與鄉遂不同書費
誓三郊三遂疏天子六軍出自六鄉諸侯大國三軍
出自三鄉三郊謂三鄉也六遂亦當出六軍鄉為正
遂為副詩采芑疏天子六軍千乘今三千乘則十
八軍矣荆蠻內侵衆少則不足以敵之故羨卒盡起
三七五

平海古卷之六

有此三千也蓋出六遂以足之或出於公邑不必皆
鄉遂也天官疏鄉遂為溝洫不為井田而云鄉田
同井亦三三相任以出稅與井田同天司馬注令
邦國之賦如六遂朱氏曰鄉遂以十為數井田以
九為數所以不同

王制疏異義方千里凡百井三十六井為山川坑岸
六十四井為平地出稅鄭注小司徒成方十里緣邊
一里治為溝洫則三十六井其餘方八里為甸六十
四井出田稅與異義不同又見

周任土瀆 宅田 圭田 公邑 公田

田制

采地

畿內貢法

邦國助法

地官載師

上士二人中士四人

掌任土之灋以物地

事授地職

載之言事也

閭縣師遺均

後之

禹貢曰

冀以廩

里任國中之地以場圃任園地以宅田士田賈田任

近郊之地以官田牛田賞田牧田任遠郊之地以公

邑之田任甸地以家邑之田任稍地以小都之田任

縣地以大都之田任疆地凡任地國宅無征園廩二

十而一近郊十一遠郊二十而三甸稍縣都皆無過

十二唯漆林之征二十而五凡宅不毛者有里布田

不耕者出屋粟民無職事者出夫家之征注鄭司農

四十三

王注百七十六

十一

云廩市城中空地民宅曰宅宅田以備益多也土田

者士大夫之子得而耕之田賈田者吏為縣官賣財

與之田官田者公家之所耕田牛田以養公家之牛

賞田賞賜之田牧田牧六畜之田司馬法曰王國百

里為郊二百里為州三百里為野四百里為縣五百

里為都杜子春云五十里為近郊百里為遠郊玄謂

廩里若今云邑里居廩民居之區域也圃植果蔬之

屬季秋於中為場宅田致仕者之家所受田也士讀

為仕仕者亦受田所謂圭田也孟子曰白卿以下必

有圭田圭田五十畝賈田在市賈人其家所受田也

田制

官田庶人在官者其家所受田也牛田牧田蓄牧者之家所受田也公邑謂六遂餘地天子使大夫治之自此以外皆然二百里三百里其上下大夫如州長四百里五百里其下大夫如縣正是以或謂三百里為州四百里為縣云遂人亦監焉疏云欲見六鄉之外之意以其四等公邑非鄉遂又非采家邑大夫之采地不見有主治之故知使大夫治之家邑大夫之采地小都鄉之采地大都公之采地王子弟所食邑也重五百里王畿界也皆言任者地之形實不方平如圖授田邑者遠近不得盡如制其所生育賦貢取正於是遂人夫一廛是廛里不謂民之邑居在都城者

與凡王畿內方千里積百同九百萬夫之地也山林川澤城郭宮室涂巷三分去一餘六百萬夫又以田不易一易再易上中下相通定受田者三百萬家也遠郊之內地居四同三十六萬夫之地三分去一其餘二十四萬夫六鄉之民七萬五千家通不易一易再易一家受二夫則十五萬夫之地其餘九萬夫廛里場圃宅田士田賈田官田牛田賞田牧田九者亦通受一夫焉則半農人也定受田十二萬家也公邑甸稍縣都合居九十六同八百六十四萬夫之地於三分所去六而存一餘六百二十四萬夫之地通一

上中下六家而受十三夫定受田二百八十八萬家也其在甸七萬五千家爲六遂餘則公邑疏任土者任其力勢所能生育且以制貢賦也鄭司農云任地謂任土地以起稅賦也玄謂周稅輕近而重遠近者多役也園廛亦輕之者廛無穀園少利也

冬官匠

人爲溝洫九夫爲井井間廣四尺深四尺謂之溝方十里爲成成間廣八尺深八尺謂之洫方百里爲同同間廣二尋深二仞謂之澮注此畿內采地之制九夫爲井井者方一里九夫所治之田也采地制井田異於鄉遂及公邑三夫爲屋一井之中三屋九夫以

四百七

玉海卷百七十六

十四

仲裕

出賦稅共治溝也方十里爲成成中容一甸甸方八里出田稅緣邊一里治洫方百里爲同同中容四都六十四成方八十里出田稅緣邊十里治澮采地者在三百四百五百里之中載師職曰園廛二十而一近郊什一遠郊二十而三甸稍縣都皆無過十二謂田稅也皆就夫稅之輕近重遠耳滕文公問爲國孟子曰夏五十而貢殷七十而助一本作斡周百畝而徹又問井田孟子曰請野九十而助國中什一使自賦云云惟助爲有公田雖周亦助也魯哀公問有若對曰盍徹春秋宣十五年秋初稅畝傳曰非禮也穀出不

過藉以豐財也。此數者世人謂之錯而疑焉。以載師職及司馬法論之。周制畿內用夏之貢法。稅夫無公田。以詩春秋論語孟子論之。周制邦國用殷之助法。制公田不稅夫。貢者自治其所受田。貢其稅穀。助者借民之力以治公田。又使收斂焉。畿內用貢法者。鄉遂及公邑之吏。旦夕從民事。為其促之。以公使不得恤其私。邦國用助法者。諸侯專一國之政。為其貪暴。稅民無藝。周之畿內。稅有輕重。諸侯謂之徹者。通其率以什一為正。孟子云。野九夫而稅一。國中什一。是邦國亦異外內之法耳。鄭司農說以春秋傳曰。有田

四州五

五海百七十一

十五

九

一成列國一同

王制正義畿外諸侯雖立公田其實諸侯郊外亦用貢法故鄭云邦國亦

異外內載師正義除三等采云鄉田同井者謂殷之助法。雖鄉亦為井田。六鄉六

地鄉遠公邑皆為夏之貢法遂與公邑皆為溝洫法。三等采地乃為井田。左氏杜

服引司馬法云。甸方八里。鄭注論語引司馬法成方

十里。出長轂一乘。注小司徒引司馬法成方十里。士十

人。徒二十人。並據郊遂之外及采地法。未見所引證

周畿內之事。貢稅之法。古來皆什一。故孟子說三代

云其實皆什一。公羊傳云什一者天下之中正也。什

一行而頌聲作矣。自古以來貢與助皆不過什一。

田制

春秋宣十五年秋初稅畝穀梁曰古者公田藉而不稅初稅畝非正也古者三百步為里名曰井田井田者九百畝公田居一私田稼不善則非吏公田稼不善則非民左氏曰穀出不過藉注周法民耕百畝公田十畝借民力治之稅不過此公羊注聖人制井田之法而口分之一夫一婦受田百畝以養父母妻子五口為一家公田十畝即所謂什一而稅也廬舍二畝半凡為田一頃十二畝半八家而九頃共為一井故曰井田井田之義一曰無泚地氣二曰無費一家三曰同風俗四曰合巧拙五曰通財貨司空謹別田

三十五

玉海百七十六

十六

九

之高下善惡分為三品上田一歲一墾中田二歲一墾下田三歲一墾孟子疏周禮地有三等孟子王制論所入食人之衆寡有五等周禮上地家七人孟子上農夫食九人管子地員篇九州之土為九十物每土有常而物有次凡上土三十物種十二物凡中土三十物種十二物凡下土三十物其種十二物凡土物九十其種三十六漢刑法志此卿大夫采地之大者見乘馬法

周土會灋 土宜灋 土均灋

地官大司徒以土會之灋辨五地之物生山林動物

田制

宜毛植物宜阜民手而方川澤動物宜鱗植物宜膏

民黑而津丘陵動物宜羽植物宜覈民專而長墳衍

動物宜介植物宜英氏哲而瘠原隰動物宜羸植物

宜叢其民豐內而庫注會計也五地計貢稅以土宜

之灋穀植所宜九辨十有二土之名物州也以相

民宅而知其利害以阜人民以蕃鳥獸以毓草木以

任土事注分野各有邦宜上繫辨十有二壤之物而知

其種以教稼穡種藝注以人所耕藝則言壤土以土均

之灋辨五物九等注九五等分制天下之地征以作民

職以令地貢以歛財賦以均齊天下之政注五物也

五言廿六 玉海百七十六 十一

九等或駢剛赤緹之屬徒乃均土地注均平也自九等上地家七人可任家

三人中地家六人可任二家五人下地家五人可任

家二人注謂任事力分地域而辨其守制注謂建邦國造都

虞之屬 賦在六鄉之內 大宰九賦一曰邦中二曰邦外三曰邦甸四曰邦采五曰邦衛

言七六五者中地三等八九五十制言自九地之三等五不

言九 遂人注中大夫凡治野以土宜教氓稼穡以土

均平政 土均注四上士二中人掌平土地之政以均

地守地事地貢注地守虞衡之屬地事農草人注下

四掌土化之灋以物地相宜而為之種注地之輕重

田制

司稼辨種稔之種周知其名與所宜地以為灋而縣

于邑閭夏官土方氏上士十五人辨土宜土化之灋

而授任地者師之地者載左傳先王物土之宜而布

其利故曰我疆我理南東其畝晉李重傅奏周官土

均之法經其土地井田之制辨五物九等貢賦之序

劉氏曰十有二土者即十二州也州各有宜如職

方氏所掌周雖合十二州為九州然本堯所分十二

異宜故職方氏從時王之制以正其名而大司徒因

上古之法以教民言十二壤者率一土復有此十二

之別當知其種之所入即草人駢剛赤緹墳壤渴澤

言十一

玉海卷一百三十六

十一

鹹濕勃壤埴壚彊墾輕輿凡九也又有青黎塗泥墳

壚土均之法九等者即禹貢定天下之土田有上上

至下下也

詩正義曰雨我公田民意之先公也駮發爾松上意

之遜下也

周采地井田夏采地數

匠人注此畿內采地之制采地制井田異於鄉遂及

公邑小司徒注此謂造都鄙采地制井田異於鄉

遂疏鄉遂公邑之中皆為溝洫之法此為井田之法

都鄙是畿內之國小司徒與匠人共掌之一成之內

地有九百夫宮室塗巷三分去一不易再易一易通
率二而當一故一成惟有二百家革車一乘士十人
徒二十人此謂畿內采地法司馬法革車一乘甲士
三人步卒七十二人是畿外邦國法天子畿內三等
采地大都小都家邑是也大司徒注都鄙王子弟
公卿大夫采地王制曰天子之縣內方百里之國九
七十里之國二十有一五十里之國六十有三此蓋
夏時采地之數周末聞矣司勳疏采地稅四之一
與小國入天子同賞田三之一與次國三之一入天
子同郊特牲唯社丘乘疏丘乘是采地井田之制

玉海百七十一

十九

管子輕車百乘為耕田萬頃戶萬戶開口十萬人為分者
萬戶開口百萬人當分者十萬人輕車千乘馬四千
匹萬乘為耕田百萬人當分者百萬人輕車萬乘馬
萬乘馬四萬匹

易氏以匠人為前代之制遂人為成周之制遂人言
夫間有遂舉一夫而言匠人田首之遂則舉百畝而
言之遂人言十夫有溝舉旁加而言匠人九夫之溝
則舉實數而言之此其制之合也若夫方十里為成
成間有洫即九百夫之地也則有異乎遂人百夫之
洫方百里為同同間有澮即九萬夫之地也則異乎
遂人千夫之澮兩山之間必有川焉則地勢自然之

川也。則異乎。遂人萬夫之川。先儒疑之。遂謂鄉遂采地之不同。非特經無明文。且井田之法。通行天下。抑何鄉遂采地之自為異制也。通十為成。成十為終。終十為同。文王司馬灋為商末之制。則有合乎十里百里之說。益稷之書曰。濬畎距川。是自然之川。則有合乎兩山之間之說。則匠人為前代之制。明矣。

秦轅田

左傳鄭子產使田有封洫。廬井有伍。子駟為田洫。侵

族田陳轅頗賦封田。封內晉作爰田。分公田之稅

賞之於所晉語作轅田。賈侍中云。轅易也。為易田之

虞孔晁曰。爰。易也。賞眾以田。易其疆畔。

三漢百七十一

九

敬

漢地理志秦孝公用商君制轅田。開仟佰。轅與爰注

張晏曰。周制三年一易。以同美惡。孟康曰。三年爰土。

易居古制也。末世浸廢。商鞅復立爰田。上田不易。中

一易。下再易。師古曰。南北曰仟。東西曰佰。出風俗通

謂開田之疆畝。食貨志歲耕種者為不易。上田休

一歲者為一易。中田休二歲者為再易。下田三歲更

耕之。自爰其處。周禮秦晉皆史記商君傳鞅為田

間阡陌。封疆而賦稅平。太史公曰。商君讀商君開塞

澤曰。決裂阡陌。以靜生民之業。而一其俗。代阡陌乃三

舊非秦所制開者

乃制前而非制開者 始皇紀三十一年使黔首自實

田通典鞅以三晉地狹人貧秦地廣人寡故草不

盡墾地利不盡出於是誘三晉之人利其田宅復三

代無知兵事而務本於內而使秦人應敵於外故廢

井田開阡陌任其所耕不限多少孝公十二年之制

數年之間國富兵強降秦以後阡陌既弊又為隱覈

隱覈在於權宜權宜憑乎簿書簿書既廣必藉衆功藉

衆功則政由群吏而人無所信矣唐突厥傳杜佑

謂周制步百為畝畝百給一夫商鞅佐秦以為地利

不盡更以二百四十步為畝百畝給一夫商子來

民篇秦地方千里者五而穀土不能處三

漢代田 后稷制田

食貨志武帝末年悔征伐之事廼封丞相為富民侯

征和四年六月下詔曰方今之務在於力農以趙過

為搜粟都尉過能為代田一晦三圳歲代處故曰代

田古法也注代也后稷始制田以二耜為耦注制也

而耕廣尺深尺曰圳注使呂氏春秋野盡任地篇后

也注所成畝也其博八寸也注以成者地也耦注制也

度也注其成畝也其博八寸也注以成者地也耦注制也

引此云后稷五寸深選注其風也耦注制也師注制也廣尺深尺注制也

刑長終晦一晦三剛一夫三百剛而播種於中苗生

棄以上稍耨隴草因墮其土以附苗根說文引漢律

故其詩曰或芸或芋黍稷儼儼芸除草也耨附根也

言苗稍壯每耨輒附根比盛暑隴盡而根深能風與旱

注能讀故儼儼而盛也其耕耘下種田器皆有便巧

率十二夫為田一井一屋故晦五頃注鄧展曰九夫

夫百畝於古晦十二頃古步百為晦則得今五頃二用耦犁二

牛三人一歲之收常過縵田晦一斛以上注不為善

者倍之過使教田太常三輔大農置工巧奴與從事

為作田器二千石遣令長三老力田及里父老善田

三法下六一

者受田器學耕種養苗狀民或苦少牛亡以趨澤故

平都令光教過以人輓犁過奏光以為丞教民相與

庸輓犁率多人者田日三十晦少者十三晦以故田

多墾闢過試以離宮卒田其宮墺地課得穀皆多其

旁田晦一斛以上令命家田注有爵命之家三輔公田又教

邊郡及居延城卒有田是後邊郡河東弘農三輔太常

民皆便代田用力少而得穀多至昭帝時流民稍還

田野益辟頗有蓄積成帝時汜勝之使教田三輔有

書十一篇周禮正義周時未有牛耦耕至漢時搜

粟都尉趙過始教民牛耕絕人耦或周末兼有牛耦

鄭云合人耦則牛耦可知。山海經后稷是播百穀。稷之孫曰叔均是始作牛耕。

文紀後元年春三月詔曰夫度田非益寡而計民未

加益以口量地其於古猶有餘而食之甚不足者其

咎安在其與丞相列侯吏二千石博士議之。鹽鐵

論御史曰古者制田百步為畝民井田而耕什而籍

一先帝哀憐百姓之愁苦衣食不足制田二百四十

步而一畝率三上而稅一。

漢渠田

見河渠

三司六十三

玉海百二十六

十三

三

漢名田

志董仲舒說武帝曰古井田難卒行宜少近古限民

名田以澹不足塞并兼之路。注師古曰名田占田也各為立限不使富者過

元制侍五年大事記哀帝即位師丹輔政建言聖王莫不設

井田今民田宜畧為限天子下其議丞相孔光大司

空何武奏請諸侯王列侯皆得名田國中。帝紀云同後

遂寢不行。武帝時賈人有市籍及家屬哀紀綏和

二年即位六月詔曰制節謹度為政所先諸侯王列

侯公主吏二千石及高富民田宅亡限與民爭利百

姓失職其議限列。條列為限禁有司條奏諸王列侯得名

田制

田國中列侯在長安及公主名田縣道關內侯吏民名田皆無得過三十頃賈人皆不得名田為吏犯者以律論諸名田過品皆沒入縣官注如淳曰名田國中者自所食國中也既收租稅又自得私田三十頃名田縣道者令甲諸侯在國名田他縣罰金二兩今列侯有不之國雖遥食其國租稅復自得田於他縣道公主亦如之不得過三十頃市井子孫不得為吏王嘉傳詔書罷苑而以賜董賢二千餘頃均田之制從此墮壞張禹多買田至四百頃墮膏腴上賈注孟康曰自公卿以下至于吏民名曰均田皆有頃數名品制中令均等仲長

三十五十八

三漢百二十六

卷

四

統傳昌言曰限夫田以斷并兼文中子謂是曆率并田之序有心乎復古注晉說文帝曰五品之家服作者不過二人能耕者不過百畝古者一夫一婦受田百畝此并田之制

漢提封田 定墾田 郡國提封戶口

地理志漢郡國一百三縣邑千三百一十四道三十
二侯國三百四十地東西九千三百二里南北萬三
千三百六十八里提封田一萬四千五百一十三萬
六千四百五頃其一萬二千五百五十二萬八千八百八
十九頃邑居道路山林川澤群不可墾其三千二百

二十九萬九百四十七頃可墾定墾田八百二十七萬五百三十六頃民六千二百二十三萬三千六百十二口五千九百五十九萬四千九百七十八漢極盛矣。通典孝平元始元年置大司農部丞十三人。人部一州勸農桑二年定墾田八百二十七萬五百三十頃戶千二百二十三萬三千每戶合得田六十七畝百四十六步有奇。康衡傳初衡封僮之安樂鄉鄉本田提封三千一百頃南以閩陌為界注師古曰提封舉其封界內之總數。何武傳武為刺史入傳舍出記問墾田頃畝五穀美惡已廼見二千石以

四百七

三十一

三十一

為常。

後漢志世祖中興至于孝順凡郡國百五縣

邑道侯國千一百八十民戶九百六十九萬八千六百三十口四千九百一十五萬二千三百三十注伏無忌所記每帝戶口及墾田大數今列于後和帝永興元年墾田七百三十二萬一百七十頃八十畝四百十步安帝永光四年墾田六百九十四萬二千八百九十二頃二十三畝八十五步順帝建康元年墾田六百八十九萬六千二百七十一頃五十六畝一百九十四步每戶得田七十畝有奇冲帝永嘉元年墾田六百九十五萬七千六百七十六頃二十畝百八步

田制

質帝本初元年墾田六百九十三萬一百二十三頃

三十八畝。紀光武建武十五年六月庚午詔下州

郡檢覈墾田頃畝及戶口年紀又考實二千石阿枉

不平者官志注胡廣曰秋冬歲盡各計戶口墾田錢穀入出上其集簿丞尉以下歲詣郡課校

十一月大司徒歐陽歆下獄以前守汝南十六年河

南尹張伋及諸郡守十餘人坐度田不實南郡守劉

章帝建初元年正月丙寅詔曰比年牛多疾疫墾

田減少二千石勉勸農桑。傳李忠建武六年遷丹

陽守墾田增多三歲流民占著者五萬餘口十四年

三公奏課為天下第一。杜詩建武七年遷南陽太

守脩治陂池廣拓土田作水張堪建武中拜漁陽大

守乃於狐奴開稻田八十餘頃勸民耕種以致富實

麥穗兩岐。鄧晨為汝南太守建武十八年興鴻郤

陂田數千頃。劉隆守南陽太守是時天下墾田多

不以實又戶口年紀互有增減十五年詔下州郡檢

覈其事而刺史太守多不平均諸郡各遣使奏事帝

見陳留吏牘上有書視之云潁川弘農可問河南南

陽不可問時顯宗年十二在幄後言曰吏受郡敕欲

以墾田相方耳。鮑少為東海相坐度田不實。年

長建武中遷河內太守坐墾田不實免。儒林。楊仁

拜什那令墾田千餘頃儒林何敞和帝時守汝南

脩銅陽渠墾田增三萬餘頃
桓紀延熹八年八月戊辰初令郡國有田者畝斂稅錢十錢

漢公田 屬縣草田

紀宣帝地節三年冬十月詔曰流民還歸者假公田貸種食 元帝初元元年三月丙午詔以三輔太常郡國公田及苑可省者振業貧民 **傳**蘇武始元六年春賜公田二頃宅一區 貢禹請自城西南至山西至鄆皆復其田與貧民 趙充國奏公田民所未

王法百七十一

十一

墾 東方朔建元三年上使太中大夫吾丘壽王與待詔能用筭者二人舉籍阿城以南盤屋以東宜春以西提封頃畝及其賈直欲除以為上林苑屬之南山又詔中尉左右內史表屬縣草田荒田未耕以償鄆杜之民朔進諫 廣陵王胥相勝之奏奪王射陂草田以賦貧民奏可 **志**趙過今命家田三輔公田

後紀明帝永平九年四月甲辰詔郡國以公田賜貧民各有差 章帝元和元年二月甲戌詔曰其令郡國募人無因欲徙他界就饒者恣聽之到在所賜給公田其與田器勿收租五歲除筭三年其後欲還本

鄉者勿禁。安帝永初元年二月丙午，以廣成游獵地及被灾郡國公田，俱與貧民。後樹大率傳請如征

和元年故事，持節慰安困乏，從之。悉以公田賦貧民。通監永初二年。

孫寶傳：紅陽侯立因南郡太守李尚，占墾草田數百頃，頗有民所假。少府陂澤畧皆開

發，上書願以入縣官。云云。

周載師官田，公邑之田。

漢區種增耕

伊尹區田

劉般傳：永平十一年，兼屯騎校尉。先是時下令禁民

二業，又以郡國牛疫，通使區種增耕。謂區隴而種，而非漫田也。而

吏多失實。般上言：郡國以牛疫水旱，墾田多減。故詔

敕區種，增進頃畝，以為民也。而吏舉度田，欲令多前。至於不種之處，亦通為租，可申勅刺史二千石，務令

實覈。其有增加，皆使與奪田同罪。帝悉從之。注：汜勝之書曰：上農區田，大區方深各六寸，間相去七寸，一

畝三千七百區。丁男女種十畝，至秋區三升粟，畝得

百斛。中農區田法，方七寸，深六寸，間相去二尺，一畝

千二十七區。丁男女十畝，秋粟得五十一石。下農區

田法，方九寸，深六寸，間相去三尺，秋畝得二十八石。旱即以水沃之。

魏志：艾傳：值歲凶旱，又為區種。

文選養生論田種者一畝十斛謂之良田不知區種可百餘斛注汜勝之書云云讀詩記董氏曰區種法曰伊尹作為區田一畝之中地長十八丈分十五町町間分十四道通人行

漢山陽稻田三品簿

後循史傳秦彭建初元年遷山陽太守興起稻田數千頃每於農月親度頃畝分別肥瘠差為三品各立文簿藏之鄉縣於是奸吏無所容詐彭乃上言宜令天下齊同其制詔書以其所立條式班令三府並下州郡 王景建初八年為廬江太守修起孫叔敖所

三品上

三品百一十

十九

起芍陂稻田教用犁耕遂銘石刻誓使民知常禁

崔瑗傳遷汲令開稻田數百頃祭祀志注古今注

曰建武十八年七月使中郎將耿遵治皇祖廟舊廬

稻田前溝洫志丙史稻田租挈重 稻田使者見

昭紀 漁陽稻田張堪見上

晉限田 宋湖田

食貨志通典晉武平吳之後有司奏王公以國為家

不宜復有田宅當使城中有往來之趣近郊有芻藁

之田今可限之國王公侯東城得有宅一處近郊田

大國十五頃次國十頃小國七頃男子一人占田七

田制

十畝女子三十畝其川丁男課田五十畝丁女二十畝次丁男半之女不課其官品第一至第九各以貴賤占田品第一者占五十頃每品減五頃以為差至第九品十頃而又各以品之高卑蔭其親屬一傳玄傳上便宜曰古以步百為畝今以二百四十步為一畝所覺過倍近魏初課田不務多其頃畝但務脩其功力故白田收至十餘斛水田收數十斛自頃以來日增田頃畝之課而功不能脩理至畝數斛竊見河隄謁者石灰精練水事及田事知其利害乞中書召問得失石苞傳奏遣掾屬循行均其土宜舉其最最詔曰農殖為政之本陶唐稷官為重其使司徒督察州郡播殖其增置掾屬十人

晉志泰始五年十月汲郡太守王宏督勸開荒五千餘頃其賜穀千斛布告天下宋史山陰人多田少孔靈符表請徙無貲之家於餘姚鄞三縣墾起湖田並成良業

元魏均田

通典孝文太和元年三月詔一夫制理四十畝男二十畝無令人有餘力以有遺利時李安世上疏曰今雖桑井難復宜更均畧審其徑術令細人獲資生之

利豪右靡餘地之盈立深納之由是始議均田九年
冬十月丁未詔均給天下人田諸男夫十五以上受
露田四十畝北齊八畝婦人二十畝北齊四畝奴婢依良
丁牛一頭受田三十畝北齊六畝身沒則還田諸宰民
之官各隨遠近給公田有差職分田始於此八年秋
始班祿北齊河清三年令男子十八受輸調二十
充兵六十免力役六十六退田免租調職事及百姓
請墾田者名為永業田一夫受露田八十畝婦人四
十畝每丁給永業二十畝為桑田不在還受之限土
不宜桑者給麻田

隋均田 永業田

通典隋文帝令自諸王以下至都督皆給永業田各
有差多至百頃少至三十頃其丁男中男永業露田
皆遵後齊之制並課植以桑榆及棗其田宅率三口
給一畝開皇九年墾田千九百四十萬四千二百六
十頃每戶二頃餘十二年文帝以天下戶口歲增京
輔及三河地少而人衆議者咸欲徙就寬鄉帝乃發
使四出均天下之田其狹鄉每丁纔至二十畝老小
又少焉至大業中志二天下墾田五千五百八十五
萬四千四十一頃每戶合得五頃

唐口分世業小田

食貨志唐之始時授人以口分世業田而取之以租庸調之法唐制二百四十步為畝百畝為頃授田之制丁男年十八以上人一頃其八十畝為口分二十畝為永業老及疾者人四十畝寡妻妾三十畝當戶者增二十畝皆以二十畝為永業餘以口分永業之田植榆棗桑及所宜木田多可以足其人者為寬鄉少者為狹鄉狹鄉授田減寬鄉之半其地有薄厚歲一易者倍授之寬鄉三易者不倍工商寬鄉減半狹鄉不給凡徙鄉及貧無以葬者得賣世業田自狹從

正一

玉海百二十一

九二

寬得并賣口分田已賣不復授死者收之以授無田者凡收授皆以歲十月授田先貧及有課役者永徽中禁買賣世業口分田其後豪富兼并於是詔買者還地而罰之官志田曹司田參軍掌口分永業及蔭

田凡民田收授縣令給之會要武德七年三月二

十九日始定均田賦稅凡天下丁男給田一頃十分之二為世業餘以為口分身死則承戶者授之口分則收入官更以給人通典天寶中應受田一千四

百三十萬三千八百一十二頃十三畝按十四年戶

餘每戶一頃建中初正金要元年分遣黜陟使按比墾

四

田數得百十餘萬頃。劉恕曰：後魏均田制度似今世佃官田及絕戶田出租稅，非如三代井田也。魏齊周隋兵革不息，農民少而曠土多，故均田之制存。至唐承平日久，下口滋衆，官無閑田，不復給授，故田制爲空。文唐志云：口分世業之田壞而爲兼并，似指以爲井田之比，失之遠矣。林勳曰：周制步百爲畝，百畝僅得唐之四十餘畝耳。唐之口分人八十畝，幾倍於古。蓋正觀之盛，戶不及三百萬，永徽惟增十五萬。若周則王畿千里，已有三百萬家之田，列國不與焉。是以唐制受田倍於周，而地亦足以容之。狹鄉雖裁

三十九

通鑑

卷一百一十一

其半，猶可當成周之制。然按一時戶口而不爲異日計，則後守法難矣。既無振貧之術，乃許之賣田。後魏以來敝法也。是以啓兼并之漸。

紀開元九年正月，括田通監。二月乙酉，敕有司議丁亥，以宇文融充使，括逃戶及籍外田。宇文融傳時戶版利隱人去，本籍詭脫，繇賦豪弱相并。融由御史陳便宜，請校天下籍，收匿戶羨田，以融爲覆田勸農使，諸道收沒戶八十萬。田稱是。十二年六月壬辰爲勸農使。賈敦頤傳：永徽中，洛多直，右占田踰制，敦頤舉沒三千餘頃賦貧民。

田制

建隆度民田 咸平均田

建隆二年正月丁巳，遣常參官詣諸州度民田。乾德二年三月，左司外郎張澹上井田制度，戶籍必革數。四年閏八月乙亥，詔長吏諭民開墾荒田，惟納舊租。令佐能勸課，加一階。淳化元年九月，詔江浙多曠土，令諸州籍畝均租，每歲十減其三，為定制。仍給復三年，募民耕殖。三年二月，遣使按諸州民田。至道元年六月丁酉，詔募民耕曠土，為永業。蠲三歲租。三年外，輸三分之一。墾田之數，書州縣官印紙，以俟旌賞。二年七月，直史館陳靖言：願募民墾田，官給耕具種

口

三

九

十

糧五年外，輸租稅。時皇甫選等相度宿亳，陳蔡許鄧荒田二十餘萬頃，付靖興置。咸平三年十一月甲申，以靖為京畿均田使，令自擇京朝官分下諸縣。六年三月，大理丞黃宗旦言：潁州陂塘曠土千五百頃，命宗旦經度，民應募者三百餘戶，詔免租繇。祥符六年六月，御史張廣言：曠土多，請依宇文融條約檢覈。帝曰：此事未可據行。王旦曰：田賦不均，須漸講改。定天禧四年八月，兩浙勸興使請收蕪田之稅。慶曆中，司請於亳壽蔡汝如方四法均之，而京西均稅。郭諮言：蔡州多逃田，當先招。由是中止。嘉祐四年八月二

十七日命孫琳林之山席與言李鳳高本等相度均
稅又令分往均田五年四月丙戌詔三司置局詳定
三司使包拯諫議呂戣簡戶部副使吳中復領其事
寶錄云五年四月丙戌詔均田稅已而復罷初王洙
請用郭諮孫琳千步開方為均田法班州縣嘉祐
四年六月二十二日中書言草澤陳師中上太平通
濟策言江淮閩浙廣南山水之鄉多堙塞詔蠲其稅
之熙寧元年六月十五日尚寬勸民墾關荒田民多歸
兩河流民及客戶墾之熙寧五年重修定方田法推
荒田興修陂堰詔褒墾之熙寧五年重修定方田法推
行自京東始元豐八年十月丙戌罷之崇寧四年二
月十六日尚書省神宗詔講方田以土色肥磽別田
美惡定賦調多寡今以熙寧方田教可行者為方田

法即周官土均之法宣和二年六月十六日罷方田

李泰伯著平土書

乾道五年九月十四日詔江東路有常平轉運司圩
田建康寧國太平池州共七十九萬餘畝不復賣歲
輸租太軍倉建康永豐圩紹興二
年田二百九十七頃

端拱方田 咸平 景德方田圖 又見

河渠類

端拱二年正月詔興置方田命八作使竇神興等往
北面興功東壁則知定州張永德西壁則知邢州米
信各兼方田都總管二月癸亥帝與近臣議方田為

田制

戰守之備內出手詔。邊將曰：朕今立法，令綠邊作方田，已頒條制，量地四之，遠近列置，寨柵此可以限其戎馬，而大利我之步兵也。雖使彼衆百萬，亦無所施其勇。自春至秋，其功告畢，持重養銳，挫彼黠虜。如此則復幽薊滅林胡有日矣。又見屯田 咸平五年

四月乙酉，帝謂宰臣曰：太宗朝翰林天文官孫士龍嘗論請於北邊置方田，及令民田，疏溝塍可以隔礙。胡馬當時爲衆議所沮，邊有殿直牛睿者亦言其事。呂蒙正對曰：此議當時亦以爲便，尋命方田使副而中外咸以爲動衆勞費，而武臣輩亦耻於營葺，遂罷。

卷之三

王

海

三

之帝曰：今若行之，或有所濟，宜令有司詳度之。六年十月八日甲子，靜戎軍王能言於軍城東新河之北，開方田，廣袤相去皆五尺，深七尺，以限隔戎馬。縱或入寇，亦易爲防。仍以地圖來上，帝召宰臣李沆等以圖示之，皆對曰：綠邊所開方田，今專委邊臣，漸爲之制，故可以爲邊防之備。乞與施行，威虜順安軍亦宜興置。興功之際，虜寇或有侵軼，可選兵五萬人分據險要，漸須興置之。十月甲子，遂詔靜戎順安威虜軍界置方田，鑿河以限胡騎。景德三年八月六日，丙子，原渭州鎮戎軍卜新開方田圖，且言戎人內屬。

者皆依之得以安居。而以知鎮戎軍曹瑋等能幹其職。嘉之。仍出示輔臣。元是咸平三年十一月十日。知雄州何承矩言。兵有三陣。日月風雲天陣也。山陵泉水地陣也。兵車士卒人陣也。今用地陣設險。以水泉作固。相高下。建陂塘。縱有胡騎。何懼奔衝。臣早建屯田之制。後戎人犯塞。高陽一路。士庶安居。雖人役暫勞。亦制匈奴之長策。順安以去。因而廣之。審地勢而制塘埭。自戢胡騎。而息邊患矣。咸平五年四月乙酉。廣北邊方田。以梗虜騎。六年九月庚子。莫州石普等準詔浚靜我順戎軍界營田河道畢功。詔獎之。景德二年

四十一

三

三

正月庚申。岢嵐請修舊方田。上以違契丹誓約不許。河北塘泊。自何承矩以後。相循不廢。仍領于沿邊。司明道二年。成德守劉平奏。自邊吳淀望長城。口乃契丹出入之地。東西不及一百五十里。今契丹多事。我乘此以引水。植稻爲名。以開方田。四面穿溝。屈曲爲徑路。纔令通步兵。引曹鮑徐河及雞距泉。分注溝中。數載之後。必有成績。遂密敕平。漸建方田。而侍禁劉宗言。又請種于西山之麓。以法榆塞。云可。以限胡騎。曹瑋傳。如置弓箭手。斥塞上弃地。人角力勝者。給田二頃。再秋穫。課市一馬。益賦田五十

四

畝二百人已上團爲一指揮即要害處爲築堡使自
塹其地爲方田以環之塞上諸塹率以丈五尺爲深
廣之限山險不塹者仁治使峭絕而已後皆以爲法
韋知鎮戎軍上言鎮戎據平地便於騎戰非中國利
請自隴山而東循古長城鑿塹爲限弓箭手給間田
蠲其稅春秋耕歛出兵護之

至道開公田 三品田 勸農使

至道元年正月丙辰度支判官陳堯叟梁鼎言陳許
鄧潁蔡宿亳壽自漢魏晉唐以來用水利墾田陳迹
具在可開公田發江淮州軍散卒給官錢市牛及耕

三九十二

至道元年正月

三十一

具上覽奏嘉之詔大理丞皇甫選光祿丞何亮乘傳
按視經度其役令募民耕墾免其稅二年七月庚申
直史館陳靖言京畿周環二三州幅員數千里地之
墾者十才二三稅之十者入無五六望擇大臣典領
大司農事選郎吏爲副自京東西申以勸課上覽之
喜謂宰相曰此奏可舉行令條奏以聞靖又言復業
又請佃者給授附版籍其田制爲三品上田人授百
畝中田百五十畝下田二百畝並五年後收其租計
百畝十收其三其室廬種藝之地每戶及十丁者給
百五十畝七丁者百畝五丁七十畝二丁五十畝除

田制

桑功五年後計其租。口端請付有司詳議。詔鹽鐵使陳恕等議。請如靖奏。八月辛酉。以靖為勸農使。按行陳許蔡潁襄鄧唐汝等州。勸民墾田。而選亮副之。選言功難成。願罷其事。上志在勉農。猶詔靖經度。未幾三司以為費多。事遂寢。先是五月辛丑。令開封判官楊徽之等三人。按行管內諸州民田。呈甚者蠲其租五分以上。實儼曰。小畝步百。周之制也。中畝二百四十。漢之制也。大畝三百六十。齊之制也。今所用者漢之中畝。

國史食貨志 仁宗即位之初。下詔諭民。謹蓋藏。上書

三十九

王法

方

生

者言賦役未均。田制不立。因詔限田。公卿已下。毋過三十頃。牙前將吏。應復役者。毋過十五頃。止於一州之內。任事者。以限田不便。未幾即廢。時又禁近臣置別業。京師著為法。郭諮傳。洛州肥鄉田賦不平。諮

攝令。以千步方田法。四出量括。遂得其數。除無地之租者。四百家。正無租之地者。百家。收逋賦八十萬。會三司議均稅法。知諫院歐陽脩言。天下不知均括之術。惟諮方田法。簡而易行。詔諮與孫琳均蔡州上蔡稅。三司議均田租。諮陳均括之法十條。呂景初傳。遷右司諫。安撫河北。還奏比部。負外郎鄭平占籍真

定有田七百餘頃因註均其徭役著限田令。志天下墾田景德中丁謂有會計錄總一百八十六萬餘頃以是歲七百二十二萬餘戶計之是四戶耕一頃知隱田多矣川峽廣南之田頃畝不備第以五賦約之天聖中國史志云開寶末墾田二百九十五萬餘頃至道二年三百十二萬餘頃天禧五年五百二十四萬餘頃而開寶之數乃已倍於景德謂所錄固未得實皇祐治平中皆有會計錄皇祐中二百二十八萬餘頃治平中四百四十萬餘頃相去不及二十年而數增倍以治平數視天禧猶不及而叙治平錄者謂此特計賦租以知頃畝之數而賦租所不加者十居其七率而計之天下墾田無慮三千餘萬頃矣祖宗重擾民未嘗窮按故莫得其實治平中廢田見於籍者猶四十八萬餘頃云皇祐中墾田視景德增四十一萬七千餘頃歲入九穀廼減七十一萬八千餘石田賦不均其弊如此。乾興初始立限田法形勢戶敢挾他戶田者聽人告予所挾田三之一。錢彥遠傳國家戶七百三十餘萬而定墾田二百一十五萬餘頃其間逃廢之田不下三十餘萬頃。蘇轍曰丁謂之記景德田況之記皇祐皆以均稅言。

然嘉祐中薛向孫琳以議方田量步晦審肥瘠以定賦稅之入熙寧中呂公心卿復建手實挾私隱崇告訐以實貧富之等元豐中李琮追究逃絕均虛數虛編戶以補失陷之稅三者皆爲國歛怨所得不補所失事不旋踵而罷

紹興經界法

紹興十二年十一月五日癸巳湖漕李椿年言仁政必自經界始兵火之後文籍散亡戶口租稅雖版曹尚無所稽考况州縣乎富者兼并貧者困弱皆由經界之不正臣嘗有按圖覈實之請其事之行始於吳

三百六十七

三

四

五

江知縣石公轍欲望斷而行之將吳江已行之驗施於一郡一郡理然後施之一路一路理然後施之天下行之以漸則經界正而仁政行矣詔委椿年措置遂置局於平江十三年六月詔頒其法於天下十五年正月二十五日命戶部侍郎王鈇負外郎李朝正領其事十九年冬經界畢二十年三月戊戌下詔令監司將申謬害民者改正然諸路田稅由此始均泉漳汀洲經界提刑孫汝翼以爲山賊未平民散田荒慮有不實亟奏罷之紹熙元年知漳州朱熹奏經界利害將行而寢

論語井田義圖

崇文目一卷

地之不闢非吾土也。人之不農非吾民也。乃為閭里
室家以蕃其生。為圳澮封畛以理其田。為耒耜錢鏹
以庀其器。為曆象氣候以授其時。秦開阡陌。農戰相
乘。漢制名田。并兼不息。我疆我理。南東其畝。疆謂
有夫有畛。有涂有路。以經界之。理謂有遂有溝。
有洫。有澮。有川。以疏道之。其遂東入于溝。則畝南矣。
其遂南入于溝。則畝東矣。

百六

三十一

四

玉海卷第一百七十六

崇文目一卷

論語井田義圖

圖終

